

Kalaallit Nunaanni pinerluttulerinermik inatsimmik aamma Kalaallit Nunaanni eqqartuussisarnermik inatsimmik allanngueq pillugu inatsisissatut siunnersuut (Covid 19-imik il.il. tunillaassuunnerit pinaveersaartinniarlugit akiorniarlugillu iliuusissanik atorunnaarsitsinissaq pillugu immikkut piumasaqaatit atorunnaarsinneqarnissaannut aalajangersakkap atorunnaarsinneqarnera) pillugu Inatsisartut aalajangiiffigisassaattut siunnersuut.

(Ineqarnermut, Attaveqarnermut, Aatsitassanut, Inatsisit Atuutsinneqarnerannut Naligiissitaanermullu Naalakkersuisoq)

Akissuteqaat

(Ineqarnermut, Attaveqarnermut, Aatsitassanut, Inatsisit Atuutsinneqarnerannut Naligiissitaanermullu Naalakkersuisoq)

Aappassaaneerneqarnera

Naalakkersuisut Inatsisartut aalajangiiffigisassaattut siunnersuummik matuminnga Inatsisinut Ataatsimiititaliap peqqissaarullugu suliaqarsimaneranut qujaniarput.

Naalakkersuisut siunnersuutip saqqummiunneqarneratut ataatsimiititaliaq ataatsimoorluni isumaqataammat nuannaarutigaa.

Siullermeerneqarnerani eqqaaneqareersutut siunnersuummi annertusisamik periarfissiineq taamaallaat pisuni pisariaqarluinnartuni aamma innuttaasut pisinnaatitaaffii ataqqillugit atorneqartarnissaat Naalakkersuisut annertuumik pingaartippaat.

Naalakkersuisut taamatut oqaaseqarlutik siunnersuutip aappassaaneerneqarnissaanut tunniuppa.